





民國樂安縣志



李傳煦
陳同善
王永貞
纂修

本書十三卷首一卷，據民國七年（一九一八）石印本影印。

序

在荷漢世承秦強威郡縣天下始建千乘為濱海與區文士通漢材彥稱城如欽陽經術兒史治績彥并文章董氏孝行彪炳史冊而邑始為天下重厥後歷有沿革或名千乘或名廣饒或名樂安雖載籍極博亦難辨析毫芒惟考之輿地圖經山水記注略有存者遼宋之季方志無興不樂安無傳焉逮明代為今典縣各有志于時列城紛然有作邑志亦草創於明憲宗時顧說誤缺略無錄取信追神宗萬曆癸卯李太僕齊臣繼承而釐正之廼炳然稱良史已嗣是蔣乘堃李象先諸先生雖踵續輯修然猶病其冗繁舛錯不免為識者所訾訾爰暨雍正年間李令方膺稽核搜訪正

樂安縣志

卷之首

序

繆辨說益臻美備彰往詔來有班馬遺風焉故尚論山東名志者安邱東阿新城泗水而外即共推是書顧余自慚誦誦未之見也適於民國六年春承乏是邦求得其書竊怪其殘闕漫漶迄今近二百季而寂無過問者徒使一代文獻付之斷壙殘碑日就漸滅為深足慨也余大慙文史湮沒思有以網羅散佚邑人士之好古者亦亟以興廢補闕為請余自揣寡識勉見繁賡紛勞又丁時艱阮何敢附於著作之林爰延邑之博雅君子王君子幹賁君德農焦君夢華王君奇洲開館纂修而李富侯孟芷庭諸君亦不憚爾足道遂分任採訪之役甚感舉也迺書未成帙余即以任職無狀引疾去矣幸賴繼任陳公金甫博雅閎通相與參訂筆削凡七閱

樂安縣志

卷之首

序

月而歲事何其速也將謀剞劂于幹諸君抄藁郵示謂志成於陳公惟弁首之言陳公謙讓未遑以致刊印將竣而序言缺如不能裝訂因請序於余余幸是書之成償余夙願遂忘其憊昧受而卒業凡為卷十四為大綱十二門門各有序為目三十九為圖十一為表十一斷自唐虞迄於今茲逸事遺文儼然祀宋之足徵雖以歲久失修人往風微艱於蒐討難免疏漏然徵文攷獻寧不謂一邑之盛事耶嗟夫古今者迹焉爾矣興廢者文焉爾焉攷迹則事故明因文則典章著江淹有言曰修史之難無出於志誠以志者憲章所繫非老於典故者不能為也故明清兩代縣志率六十季一修獨此志於滄桑變易兵燹屢遭以後從拾遺殘而古法陸續故老無傳非起前結於九原而問之曁能得其髣髴噫可謂難矣余不解前此百八十餘季間縣令麻經百數坐視文物蕩然無人採輯至於此極也於虜伊誰之咎歟然而後之視今亦猶今之視昔古來鴻篇鉅製一經世變即飄零散失徒令人搜求於殘編斷簡之中而歎息於補綴為難者曷可勝道使後之官斯土者留心故事守缺抱殘隨時增修毋替前功庶前人之誤後人者後人不至復誤後人則是編之志在繼往而功在開來是又余所撮序概略以眎來茲之意也至於因革去取之間其詳已見於凡例不具書

四等嘉禾章金質崇隆章五等金質單鶴章前署廣饒縣知事肥城李傳熙序

序

民國六年八月予奉徵承乏是邑既視事舊尹李公傳煦殷殷告曰縣志失修久矣大懼文獻廢墜竭力倡續籌經費開局館延纂輯擇採訪既勤既奮基礎乃立今引疾以去莫為之後雖善弗克舉公其念哉予唯唯前事不忘後事之師也曷敢怠於是暇輒造局與諸君子詳完原委商榷羣言兼謀所以藏事者經費有不足籌措之採訪有疏略督催之歲除書成李公既序諸簡端予亦倒得有言曰府州縣志何昉乎爾周官小史掌邦國之志誦訓掌道方志是也後鄭稱如周志鄭書之屬者皆亡班氏始著地理志志特史中一耳地理又一中一耳乃今之有州縣志不然地雖志一

樂安縣志 卷之首 序

一

隅而天文五行食貨職官藝文以及紀表列傳靡不備則志也而全史矣門分部別上下數千年使相貫屬則志也且通史矣矧是邑建於秦併於漢畫割分裂於晉隋唐宋之際經師文章漢最著魏後彫喪矣豈不以地瀋東瀛澤濟大河經流所匯沖決坍塌民無寧居故生是聞者闕人蓋寡著述鮮稱至元明始盛稽諸古者既如彼自雍正修志以來迄於茲百八十餘年私家紀載歷久多湮金石遺文在遠日晦即六朝之陳牘或滅裂於胥吏灰蕩於水火零搜碎採十佚四五據諸今者又如此江文通曰作史莫難於志袁子才曰志難於治誠哉是言也今幸殫精竭慮無間寒暑以竣厥事卒畢李公之志予既慶是書之成且慶讀焉如不佞適逢

事會得與邦人士樂觀其成也爰識數語以附於後

民國七年二月中旬署理廣饒縣知事開封陳同善序

樂安縣志 卷之首 序

二

樂安縣志舊序

邑故有志讀者莫不曰疏何也莫大如縣名而以邑在西漢為樂安遠矣梁陳齊人也縣特其封邑漢太守陳蕃所禮周璆臨濟人三國淵蓋人皆援以入邑齊桓公之為諸侯盟主久矣其盟在可稽實未言往一壇吾域是令何許豈不以地僻於臨淄道紆於諸侯乎而曰桓臺為公所盟諸侯乎是諸如是者今并知其不然矣官有賢不肖其姓名當俱乃自明初至作志時百餘年間知縣裁九人丞以下至訓導各一而已夫邑本漢千乘也地割於廣饒故言乎隋以前千乘與樂安其實易以清言乎隋以後千乘與廣饒其地乍不辨水經濁水注曰濁水又東北逕廣饒縣故城南言樂安縣志

卷之四 舊序

故有新也今城北二十里外有故城址是鄒道元之時廣饒見城然又未知為千乘歟則又未知為樂安歟志缺於昔故迹不著於茲非一日矣漢千乘縣者河所從以入海也今邑濟所從以入海也夫濟四潰之一也而於邑焉出豈不足言乎人才之生具在於漢可矣迨入廣饒迄於有元又何其不易得也遭逢聖代吾鄉前行多以德終士莫不知向學蓋滋剝之數焉邑侯邢臺王公清勳宏雅治有異績至裁期而廢者與流亡者還忽覺故志慨然曰闕為謀之余以今年三月校集其志川流質之水經而邑始末微以漢等志尚候諸君子共正之嘉靖丙午九月賜進士太僕寺卿邑人李舜臣撰

樂安縣志舊序

邑有成化志自沈令清始太僕李公承而修之則嘉靖丙午逾六十年一修也數使然哉予承乏茲土及五載餘故典告湮深惟是懼謀之孝廉蔣君遠巡無以應也久之知邑兩博士訂李志而擴之稿藏在笥於是過博士舍出稿就孝廉孝廉卒業為言於予太僕名公其文深博士宿儒其事核文則足以傳遠核則足以信今無用再贅唯是已卯至今二十餘年無已益以二十餘年之事為序於款首庶幾足術他則請辭予曰唯唯再越月而志成為冊三為圖四為款二十工竣不佞宜有言綴於末簡自愧弗文無能為役顧惟邑之有志猶國之有史史之體嚴而志之用廣史缺則一代之跡泯志缺則一邑之跡泯千百年來其人與事可臚列而指數也得乎語曰前事之不忘後事之師又曰視已成事其意識此矣得不就兢且李之序志也曰邑故有志讀者莫不曰疏病其簡也李志出讀者莫不曰文簡而文也簡而益之以文華采昭矣文而益之以核情實備矣即其中一二言之建置則稽水經度輿圖而不散執典廢之由風俗則邇其先淳而後滿城池則表其昔瑕而今堅田賦則稽其登耗之數而察其利弊之原公署則著其傾圮之故而詳其脩飾之因學校或以補陳或以偉觀選舉正途者入雜途者刪名宦鄉賢釐而為二考其入祀之實并其從祀之文人物節孝亦釐而為二稽其素履之詳參以新舊之異至於序記

卷之四 舊序

碑銘必其文之雅馴事之關涉然後入之否則雖工弗錄他則一切仍舊而已未嘗以己意附會於其中視嘉靖志則倍之視成化志則又倍之矣其採事也近真其用清也近直其立言也近樸而不蔓津津乎成一家之言也哉而孝廉君嘒嘒然若無當也逡巡猶是已嗚呼予讀是志也竊因之有感焉夫後之視今猶今之視昔邑名樂安其來舊矣民習靜而安不恩有司模邈無纖巧綺靡輸將恐後士耿而文骨鯁文學之臣累累而今何如也扞當世之文罔固人人翁伯行也家無擔儲鮮衣怒馬矯為富貴容莫不疾公賦而逃之不可究詰士累歲不一登天府風斯下矣何以名樂安為也豈風會之流卒不可復反抑以司風紀者無以振揚之也是有司之責也夫萬曆癸卯賜同進士出身樂安縣知縣濟縣孟楠撰

樂安縣志

卷之首

舊序

三

樂安縣志舊序

余不佞弗嫻于文辭踰伏草莽日置鉛槧之業弗理乃明府孟公數過而問志久之為言兩張博士有稿在苟明府過博士出稿付余銓次序中太僕名公其志文博士宿儒其志核博士固太僕之舊而附論于其後余因博士之舊而立序于其前間有一二利弊可言者不妨創議其中如是而已若筆削之任則吾豈敢邑舉人蔣奇鏞跋

樂安縣志

卷之首

舊序

四

樂安縣志舊序

余既梓舊誌成謀續焉余謂邑前志自愚谷尚矣蔣孝廉輩以例
改纂之今我侯文章治行系自廬陵煌煌巨編不啻愚谷而續孝
廉輩為也異哉所聞余曰不然語有之不有後勁毋慮前茅自癸
卯至今六十年科目政績信之前文苑武胄信之前士大夫盛德
大業焜耀宙合倍之前恭值興朝熙洽聖天子赫然式臨與宇內
更始最爾海邑將沾新化焉余於孝廉輩志蓋欲別之匪僅續之
也於是鄉紳孫三錫輩茂才唐生德晉等踴躍襄厥事通浮玉織
齊兩李子家居昇卒業李子辭再三余曰脫聽子辭僕有以福先
寺故事責子者奈何既受事李子曰昔龍關馬山之陽仲父陽而
樂安縣志舊序

樂安縣志

卷之四

舊序

五

樂安縣志

卷之四

舊序

六

鼓其靈庇我乘人厥今不替余曰是宜署官績傳歐陽兕史之後
儒術沈闕性道弗彰惟侍御成公絕學之緒得自遺經白沙新建
並為一流余曰是宜署理學傳國是叢雜僉任登朝具有亢昌言
引大體循聲溫爾右如孫給諫其人余曰是宜署諫臣傳臨淮忤
瑞昌黎守捐鎮南服官著績清白貽後孝廉恪共謙退長老之稱
日以歸焉人曰白馬聲高樂亭長沙弗溺其職余曰是宜署事功
傳鼎不柱車驥不走閭東皋王官谷遺跡已余曰是宜署卓行獨
行傳河間元文奮功東陽劇國王猛建業成原楚材晉用匪自今
矣余曰是宜署外徙傳闕疑守殘儒者家法然信則補証則正亦
毅然所弗奪余曰是宜署補遺傳青陵之臺娥江之湓乘之女子
是效是則余曰是宜署列女傳礪山之捷執訊獻職用震師旅以
啟其後余曰是宜署武胄傳著琬琰泐金石光榮之業昭於齊門
自太拙瞿堂以下取法焉余曰是宜署文苑傳賢而能善而動眾
外婉程鵬內宗元晦斯可以砥末俗余曰是宜署孫封公建置紀
事備矣余於是肅然起謂李子子先大夫少厲聖賢博載籍入仕
版格乃王家爭提擊水西紫虛太恭人墓次諸懿迹章章已忠孝
之歸來人宗焉子先太守兄以鴻文繼愚谷以惠澤流江表以直
聲徹鄆鄆是宜署子先大夫曰藩臣傳太守公首事功傳中李子
乃避席逡巡曰固也不敢請爾咸屬筆通遠方人以侍御公理學
傳成公三世儒行傳亦續次至入其中而志成余不佞乃拜手而

綴言曰嗚呼邑誌之役不暴艱哉然乘為先博士司徒弓福地余於乘獨有桑梓之意也語曰前修廢如後進悚如今隸在職方戶產人才余所有事也故不得已而謀梓人又念我先文忠公著唐書五代史廖氏譜善善長惡惡短之意直逼古史矣之奇輩尚有遺議引余乎今以往罪知之口聽之眾矣匪余所恤也已康熙六年歲次丁未知樂安縣事楚潛歐陽焯賓霞父書于古琅槐署中

樂安縣志舊序

方膺角非題度欣叨鯉對勝衣在津幸值龍飛王子安作序之年每繫懷於交趾銜伯玉能書之日輒入觀於天顏桂苑秋風寧同數奇之李廣蘭階新雨早逢啟事於山公惟盛世之選舉無方俾書生之拜颺有自諒軒食果茂才何忝楊修對日披香博士定歸黃琬詎以士元多治劇之能或者祁午非晉卿之望命來山左試一割之鉛刀承乏海隅別三年之利器銅章墨綬勵當年之清畏人知製錦烹鮮愧此日之學優登仕藉桓臺春草繒少君之遇物能名拂兒家秋煙微為史之傭經賃作胡期懷襄忽微痛切其咨爾乃洛洞頻來功難俾父風飄蕪葦誰復言潘縣之花水滿池塘

何處得謝庭之句差勤四載慰彼三農通歷千村通苑百谷證川原之晚給行廚惟水注山經廣道路之誣謀倒屣盡商言賈策因知傳訛舊志既失守于前人扼腕羣情誰斷疑于後事小司馬緣陵之考亦既略而不書齊太史柏寢之陳寧源傷為盛事豐臺通賜履會盟豈是葵邱濟濟即清河疏鑿誤推劉豫而且如林立石皆載襄陽峴涓之碑兼之近市言貧罔識尹鐸繭絲之對率爾湍灑之莫辨誰知南北之非洋雖自昔沿流不過辟司徒之石窳而于今踰襲漫同韓學士之金根况彼霜寒去華浪浪恤緯之孤蔭風詠頻繁燭燭華簪之世胄以六十年之著作盡是酬惠頌德之虛文即一二事之掄揚無非足影鏤冰之故智此范史疑其有纖

而崔書終迄無傳者也吁嗟乎兔園半冊謾誇組紉笙簧已焉哉
龍文幾篇徒侈風雲月露詠寧是履三長原希觀之才作可等身
四美亦難能之事我心匪石欲隱忍以何甘僕豈能文止贊匠其
不逮於是日三吐握集彼眾思夜千幾研微于故實類太冲之作
賦筆札恒置門庭擬壯武之行文車箱時載典籍野謀連太僕景
行邑有高賢潤色譜牒鼓吹人歸大雅淋漓潑墨原非漫興之
言補綴成裏敢為憑虛之論亦僅謀其可信誰復冀其能傳乃不
意輅軒後載荷監使之鈞裁館閣先聲邀中丞之謬獎遂令芸籤
煥彩荊州指曹氏之書倉玉軸連雲岱嶽鎮杜家之武庫青牛帳
裏一枝分芍藥之花朱鳥窗前鴻藻悉葡萄之樹然屬詞比事惟
樂安縣志 卷之四 舊序 九

資事父而以事君即酌古準今敢曰治人而兼治法在彼春秋魯
史尚有知我罪我之言若夫直道斯民亦復誰毀誰譽之意爰是
付之剞劂不用三都賣紙之錢製以縹緗幸分八閩賜鑑之蔭倘
千秋而逢濟北薪芴定有薇音如四海而有中郎碑墮寧無王巨
竊以弁之蘭首實自愧夫厄言昔在雍正十有一年歲次癸丑直
隸莒州知州前任樂安縣知縣南通州李方膺序

凡例

縣名改為廣饒自民國始也茲志既以宣統三年為限民國事跡
概不摺入書成題名宜存其舊故仍署曰樂安縣志

志書篇目繁則瑣簡則漏茲斟酌參定為總目十二為子目三十
為附目九為表十一

志書舊習縣必有景或八之十之各綴以詩勉強湊合最為可厭
舊志雖無景圖而仍載八景律詩似可不必茲悉刪之比康對
山武功志陸稼書靈壽志也非我作古有識者幸諒

舊志前列星野夫天道遠人道通二十八宿盡乎天九州不盡乎
地以二十八宿割屬九州前人已多聚訟矧縣境僅州之一隅
樂安縣志 卷之四 凡例 十

乎分合靡常更難確指危四虛九皆屬疑似史香崖樂亭志刪
去星野最為特識今從之

文史通義謂修志者當續前人之紀載不當毀前人之成書識哉
是言茲於舊志有改無削惟應載而舊志所無者若戶口若金
石若文廟神位祭儀等類併補入之

史冊不為生者立傳蓋棺論定昔人有明訓矣惟節婦前朝功令
年登六十合例宜旌以節婦茹苦守貞至六十而志趨堅定必
無他虞茲仿此意凡節婦年至六十者無論存歿悉載之

繕寫志書之式往往頂空二格備抬頭也茲於應抬者用空格抬
頭之式或三或一他則一事之中第一行頂格後皆低一格按

語低二格以清眉目									
前此縣志已五次成書文獻永垂於焉是賴茲仿肥城志將創修									
續修姓氏附列於後									
明成化間創修									
知縣沈清編輯									
明嘉靖二十五年續修									
知縣王本固									
邑人太僕寺卿李序臣編輯									
邑人庠生張四維增訂									
邑人庠生張孔教校正									
明萬曆三十一年續修									
知縣孟楠									
邑人舉人蔣奇鐸編輯									
清康熙六年續修									
知縣歐陽燁									
邑人諸生李含章李煥章編輯									
清雍正十一年續修									
知縣李方膺編輯									

樂安縣志續修姓氏									
倡修									
四等嘉禾章金質崇隆章五等金質單龍章督軍署軍務員署理廣饒縣知事肥城李傳煦									
續修									
署理廣饒縣知事開封陳同善									
編輯									
諮議局議員候選州判歲貢生王永貞									
四川候補知縣增貢生賈獻廷									
陸軍部二等銀色獎章庫廩生焦梅清									
優級師範預科畢業庠生王蓮芳									
樂安縣志卷之四姓氏									
收掌兼採訪									
勸學所所長學堂畢業獎廩生王金甲									
提調兼採訪									
鹽政講習所畢業業周懷榮									
繪圖兼採訪									
庠生孟昭升									
採訪									
廣饒縣一等警佐平度于泮林									
歲貢生黃丙欣									
庠生溫念嶠									

職官志 官階附

卷九

登進志 封贈 恩賜 蔭襲附

卷十

人物志上 列傳 外傳附

卷十一

人物志下 列女

卷十二

藝文志

卷十三

樂安縣志 卷之十三 目錄
雜志 災祥 耆壽 孝感 優釋 物異 十五

樂安縣輿圖

符

指北針
指水箭
縣區保界
城關集

號


村局鹽大
所台垣道
河古橋堤
壩臺古


樂安縣志 卷之十六 輿圖

十六

縣境全圖


北像按四十八萬分之一為比例每方格縱橫代華里二十里
方里四百里統計面積共一萬一千九百零二方里





縣城圖

此圖按舊法
造尺股四寸
一分五厘積
三寸三分五
厘故原積係
以六千分之
一為比例




城區


分圖一 此係按一十二萬分之一為比例每方格縱橫代華里五里方畫二十
五里面積計共一百三十五方里



樂安縣志 卷之四 輿圖
分圖二 方格比例與城區同面積計共四百九十五方里

孝區今改三
河鄉






陽陽生縣

樂安縣志 卷之四 輿圖

分圖三 方格比例同前面積計共五百三十四方里

弟區今改歐陽鄉





陽陽生縣

樂安縣志 卷之四 輿圖

分圖四 方格比例同前面積計共三百七十六方里

忠區今改溜左鄉







樂安縣志 卷之首 輿圖 二二

分圖五 方格比例同前面積計共四百一十五方里

信區 今改內史鄉



樂安縣志 卷之首 輿圖 二二

分圖六 方格比例同前面積計共四百零二方里

禮區 今改臺東鄉

